

2015-imi ingerlariaqqiffiusumik ilinniakkat

2015-imi ukiut pingajussaanneertumik Kalaallit Nunaanni ingerlariaqqiffiusumik ilinniakkani ilinniarnertit aallartitat amerleriarput. Ingerlariaqqiffiusumik ilinniakkani katillugit 343-t aallartissimapput, taakkunanga 57 procentit inuussutissarsiutigalugu bacheloritut ilinniartinnit aallartissimallutik.

2011-lli kingorna Kalaallit Nunaanni ilinnikkanik ingerlatsisut amerliartorusaarsimapput, 2015-imilu ilinniakkanik ingerlatsisut amerlanerpaallutik 842-ullutik.


2015-imi ingerlariaqqiffiusumik ilinniakkani 177-it naammassineqarsimapput, taakkunanga 40 procentit *Peqqinnissaq aammalu Atugarissaarnermi* inuussutissarsiutigalugu bacheloritut ilinniakkaniittuni, soorlu inunnik isumaginninnermut siunnersortitut, perorsaasutut aammalu peqqissaasutut ilinniarsimallutik.

Kalaallit Nunanni ingerlariaqqiffiusumik ilinniakkat

Naatsorsueqqissaartarfiup ukioq manna ilinniartitaanermut kisitsisitigut paasissutissat allilerpai, massakkullu Kalaallit Nunaanni ilinniakkat 2003-mit 2015-imut ilinniartinnut agguataarlugit takuneqarsinnaanerat periarfissaalerpoq. Saqqummersitami uani Kalaallit Nunaanni ilinniartinnit kisimik pineqarput, kisiannili sulit Naatsorsueqqissaartarfiup Kisitsisaataasiviani kalaallinut Kalaallit Nunaata avataani ilinniartunut paasissutissat aaneqarsinnaapput.

Ataani titartagaq 1.-imi takuneqarsinnaapput Kalaallit Nunaanni ingerlariaqqiffiusumik ilinniartinnit ilinniakkat aallartinneqartut, ilinniakkat qaffasissusaannut sisamanut agguallugit.

Titartagaq 1. 2006-imit 2015-imut Kalaallit Nunaanni ilinniakkat aallartinneqartut




Najoqqutaq: Naatsorsueqqissaartarfik- Kisitsisaataasivimmi kisitsisit takukkit (<http://bank.stat.gl/UDDISC11E>).

2015-imi ilinniakkat aallartinneqartut 343-usimapput, taamalu ukiut pingajussaanneertumik amerleriarsimallutik. Agguaqatigiissinnerini inuussutissarsiutigalugu bachelorit ilinniakkat ilinniakkani aallartitani 57 proncetiullutik nuannarineqarluarsimallutik.

Titartagaq 2.-mi takutinneqarpoq 2015-imi ilinniakkat qaffasissusaanni aallartinneqartut, Kalaallit Nunanni ilinniarfinnut agguaallugit.

Titartagaq 2. 2015-imi Kalaallit Nunaanni ilinniakkat aallartinneqartut




Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<http://bank.stat.gl/UDDISC11E>).

Inuussutissarsiornermi ingerlariaqqiffiusumik ilinniakkani sivikinnermi aallartitani 66-iusuni 44-t Niuernermik Ilinniarfimmi Nuummiittumi aammalu 15-it Campus Kujallermi aallartissimapput. Inuussutissarsiutigalugulu bachelorit ilinniakkani aallartitani 195-iusuni 121-t Nuummi Ilisimatusarfimmi aammalu 64-it Ilulissani Perorsaanermik Ilinniarfimmi aallartissimapput. 2015-imi Ilisimatusarfimmi ilinniakkat aallartinneqartut katillugit ilinniakkat qaffasissusaannut agguaallugit 203-upput.

Ilinniakkat naammassineqartut

Ataani takuneqarsinnaapput 2015-imi ilinniakkat naammassineqartut, Kalaallit Nunaanni ilinniarfinnut agguaallugit.

Titartagaq 3. 2013-imit 2015-imut Kalaallit Nunaanni ilinniakkat naammassineqartut




Najoqqutaq: Naatsorsueqqissaartarfik – Kisitsisaataasivimmi kisitsisit (<http://bank.stat.gl/UDDISC11H>).

Ukiut ingerlanerini amerleriartoqarsimavoq, pingaartumik ukiut pingasukkaarlugit Perorsaanermi Ilinniarfimmi Ilulissaniittumi najugaq qimannagu perorsaasutut ilinniarnernik aallartittoqartarnera peqqutaalluni. 2015-imi ilinniakkat naammassineqartut 177-iupput, taakkunanga 88-it Ilisimatusarfimminngaanneerlutik.

Titartagaq 4.-rimi takutinneqarpoq Kalaallit Nunaanni ilinniakkat naammassineqartut ilinniakkat suunerinut agguaallugit.

Titartagaq 4. 2015-imi Kalaallit Nunaanni ilinniakkat naammassineqartut, ilinniakkat suunerinut agguallugit



Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<http://bank.stat.gl/UDDISC11H>).

Agguaqatigiissillugu 40 procentiulluni annertunerpaaq *Peqqinnissaq aammalu Atugarissaarnerminngaanneerpoq* inuussutissarsiuutigalugu bacheloritut ilinniakkani soorlu inunnik isumaginninnermut siunnersortitut, perorsaasutut aammalu peqqissaasutut ilinniakkaninngaanneerluni.

Tulliuvooq *Ilinniarneq* meeqqat atuarfianni ilinniartitsisunngorniarnermik inuussutissarsiuutigalugu bacheloritut ilinniarfiusumik ilaqartoq.

Inuussutissarsiorneq, allaffissorneq aammalu inatsisilerineq 2015-imi ilinniakkani naammassineqartuni 19 procentiusimavoq, aammalu ingerlariaqqiffiusumik ilinniarfinni sivikinnermi kisimi nassaassaalluni.

Assersuutigalugu akademiøkonomi ilinniakkami aamma ilaavoq. Bacheloritut kandidatitullu qaffasissusilinni *Inuiaqatigiilerinnermi tusagassiuutilerinnermi aammalu paasisutissalerinnermi* ilinniakkat amerlanerpaanik naammassisoqarsimapput.

Ataatsimut isigalugu

Piffissami 2011-mit 2015-imut ingerlariaqqiffiusumik ilinniakkani naammassisut katillugit 669-iusimapput. Aammattaq ilinniakkani ingerlatani amerleriartoqarsimavoq, 2015-imilu ukiuni tulleriinni amerlanersaallutik ilinniakkanik ingerlatsisut 834-usimapput. Ukiulli ingerlanerini aamma ilinniakkat unitsinneqartut amerlassusaat ikileriarsimavoq.

Tabel 1. Piffissami 2011-mit 2015-imut ingerlariaqqiffiusumik ilinniakkat amerlassusaat, ilinniarfinnut agguallugit

	2011	2012	2013	2014	2015
Inuussutissarsiornermi ingerlariaqqiffiusumik ilinniarfiit sivikinnerit					
Aallartinneqartut	35	42	46	53	66
Ingerlatsisut	56	53	73	90	103

Unitsinneqartut	13	18	10	19	12
Naammassineqartut	17	27	16	17	41
Bacheloritut					
Aallartinneqartut	58	61	69	65	65
Ingerlatsisut	143	134	142	154	173
Unitsinneqartut	33	49	46	36	34
Naammassineqartut	17	21	15	17	12
Inuussutissarsiutigalugu bacheloritut					
Aallartinneqartut	211	200	140	194	195
Ingerlatsisut	426	484	459	471	490
Unitsinneqartut	52	65	85	102	63
Naammassineqartut	92	77	80	80	113
Kandidatitut					
Aallartinneqartut	12	18	16	16	17
Ingerlatsisut	45	50	55	64	68
Unitsinneqartut	5	8	7	2	2
Naammassineqartut	2	5	4	5	11

Nalunaarut: Naatsorsuutit tamarmik "ukiup naanerani"-nngaanneerput. Malugiuk, inuk ataaseq eqimattani arlalinni ilaasinnaamat ukiumi ilinniakkamik aallartitsiffiusumi pineqartumi, assersuutigalugu aallartinneqartuni aammalu ingerlatsisuni. Taamatuttaaq inuk ataaseq aallartinneqartuni unitsinneqartunilu ilaasinnaavoq, pineqartoq ukiup ingerlanerani ilinniakkami ataatsimi arlalinniluunniit taama inissisimasutut allassimappat.

Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<http://bank.stat.gl/UDDISC11E> , <http://bank.stat.gl/UDDISC11F> , <http://bank.stat.gl/UDDISC11G> aammalu <http://bank.stat.gl/UDDISC11H>

Periaaseq

Periaaseq

Naatsorsueqqissaartarfiup ilinniartitaanermut kisitsisitigut paasissutissanik naatsorsuisarnera siunissami taamaallaat UNESCO'p nunanut tamalaanut malitassiaa ISCED2011 malillugu ingerlasassaaq.

Una saqqummersitaq sioqqullugu Naatsorsueqqissaartarfiup ilinniartitaanermut kisitsisitigut paasissutissat piffissami tulliuuttumi assigiaarnerulernissai isumannaarniarlugu iluarsaappai. Misissuineq siornatigut kisitsisinik saqqummiunneqarsimasunut sanilliullugu malunnartumik allannguinnilaq.

Ukiuni kingullerni pingasuni kisitsisit siunissami kisitsisaagallartuusassapput, siusinnerusukkullu kisitsisit inaarutaasumik kisitsisaasassallutik. Taamaattumik uani saqqummersitami 2012-imit 2015-imit kisitsisit kisitsisaagallartuupput.

Nalunaarsuutit

Uani saqqummersitami ilinniartitaanermut kisitsisitigut paasissutissat Ilinniagaqarnersiuteqartitsiviup (USF) allaffissornikkut nalunaarsuutaanik tunngaveqarput. Nalunaarsuutit tunngaviusut naatsorsuutiginninnerini USF-
ip nalunaarsuutai Naatsorsueqqissaartarfimmi naleqquttumik nakkutigineqaqqaarlutik, misissorneqaqqaarlutik aammalu suliareqqinneqaqqaartarput. Pineqartunut nassuiaat www.stat.gl -imi ilinniartitaanerup ataani nassarineqarsinnaavoq. Saqqummersitaq kingullerpaq tooruk kingornalu Periaaseq. Nassuiaat "*2015 USF-imit ilinniartitaanermut nalunaarsuutit misissorneri.pdf*"-nik ateqarpoq.

Kisitsinermi uuttuutit

Ilinniartitaanermut kisitsisitigut paasissutissani uuttuut [Ilinniarnarit](#) kisinneqarpoq. Ilinniarneq ataaseq tassaavoq inuk ilinniartoq ataaseq. Tamannalu isumaqarpoq ilinniarnarit aammalu inuit amerlassusaat assigiissuseqarpallaanngitsut. Assersuutigalugu ukiumi kisitsiviusumi ataatsimi ilinniartoq ilinniakkamik ataatsimik aallartitsinnaavoq, unitsitsilluni aammalu ilinniakkami nutaami aallartilluni. Ilinniarnermut inunnullu assigiissummik piffiusinnaasutuaq tassaavoq ilinniarfinni ataasiakkaani ilinniakkanik ingerlatsisunut naatsorsuutit. Una naatsorsuut ukiup naanerni pivooq, ilinniarfimmilu ataasiinnarmi taamaallaat ingerlatsisoqarsinnaavoq. Ilinniartitaanermut kisitsisitigut paasissutissat [ukioq kisitsiviusoq](#) atorlugu suliarineqarput. Ukioq ilivitsoq malinneqarpoq ukiullu ingerlanerani pisut kisinneqarnerannik isumaqarpoq, ukiup naanerani piffissamut aalajangersimasumut – soorlu ilinniakkanik ingerlatsisunut – kisitsinerit eqqaassanngikkaanni.

ISCED2011

Nunarsuarmi sumiiffinni siullerpaat ilaanniilluni massakkut Kalaallit Nunaat UNESCO'p ISCED2011-mut malittarisassaa malillugu ilinniartitaanermut naatsorsuusiorsinnaalerpoq. Ineriartortitsinermut suleqatigiinnerup Naatsorsueqqissaartarfimmit aammalu Ilinniartitaanermut,

Kultureqarnermut, Ilisimatusarnermut Ilageeqarnermullu
Naalakkersuisoqarfimmit peqataaffigineqartup tamanna pisinnaatippaa.

Uttuutit taaguutaat

Naatsorsueqqissaartarfik ilinniartitaanermi uuttuutitut taaguutinik
ilinniakkat suut ilinniarfinni pineqartuni imaluunniit ISCED2011-imi
immikkoortitersimasuni takuneqarsinnaalersillugit saqqummersitsisimavoq.
Uttuutit taaguutaat Excel-regneark'iuvoq aammalu www.stat.gl – imi
Ilinniartitaanerup ataani nassaarineqarsinnaalluni. Saqqummersitaq
kingullerpaaq tooruk kingornalu Periaaseq. Regneark'i "*Nomenklatur med
ISCED2011 Maj2015.xlsx*".

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- * Foreløbigt eller anslået tal

Eventuel henvendelse
Daniela Sveegaard
E-mail: DANS@stat.gl

Ilinniartitaaneq

Grønlands Statistik
Postboks 1025 · 3900 Nuuk
Tlf.: +299 34 57 70 · Fax: +299 34 57 90
www.stat.gl · e-mail: stat@stat.gl

